



ZAPISNIK sa 2. redovne sjednice Skupštine Samostalnog sindikata radnika u BHRT-u

Druga redovna sjednica Skupštine Samostalnog sindikata radnika u BHRT-u održana je 15. marta 2017. godine u sjedištu Sindikata u ulici Bulevar Meše Selimovića br. 12 u Sarajevu sa početkom u 11,30 sati.

Nada Šimić, predsjednica Skupštine je pozdravila prisutne i predstavila Verifikacionu komisiju, u sastavu: Nihad Arnautović; Kahrica Džemal i Žuga Nijaz, predsjednik, koja je konstatovala da je prisutno 58 delegata, od 72 pozvana, i da ima kvorum za rad Skupštine

Sjednici Skupštine prisustvovali su članovi Nadzornog odbora:

- Velija Gradišić, predsjednik Nadzornog odbora
- Samir Gadžo, član nadzornog odbora
- Ramiza Ferhatbegović, član nadzornog odbora

Predsjednica Skupštine je delegatima predložila slijedeći

DNEVNI RED:

1. Izbor Radnog predsjedništva, zapisničara i ovjerivača zapisnika
2. Usvajanje zapisnika sa 1. Redovne sjednice Skupštine SSR u BHRT-u
3. Usvajanje Izvještaja o radu UO SSR u BHRT-u za 2016.godinu
4. Izvještaj Nadzornog odbora
5. Usvajanje Finansijskog izvještaja za 2016. godinu
6. Usvajanje Programa rada Sindikata za 2017. godinu
7. Odluke Skupštine:
 - a) Odluka o isplati naknada za dolazak delegata iz ITC na 2. sjednicu Skupštine
8. Aktuelna situacija u BHRT-u i moguće aktivnosti SSR u BHRT-u za njeno rješavanje
9. Razno

Predloženi dnevni red je jednoglasno usvojen.

1. Izbor Radnog predsjedništva, zapisničara i ovjerivača zapisnika

Delegati su jednoglasno usvojili prijedlog predsjednice Skupštine za sastav Radnog predsjedništva Elvis Čengić i Goran Brkić, zapisničara, Advija Alimanović i ovjerivače zapisnika, Tarik Maličbegović i Nijaz Čordalija.

2. Usvajanje zapisnika sa 1. redovne sjednice Skupštine SSR u BHRT-u

U zapisniku sa 1. redovne Skupštine SSR u BHRT-u, je dogovoreno da se u tački 5. briše riječ „sugestija“, za što je glasalo 53 delegata za i 5 delegata protiv, i isti će biti zamjenjen sa već postavljenim zapisnikom na web stranici.

3. Usvajanje Izvještaja o radu UO SSR u BHRT-u za 2016.godinu

Predsjednica Skupštine je zamolila Elvisa Čengića, izvršnog sekretara Sindikata, da ukratko obrazloži dostavljeni Izvještaj o radu UO SSR u BHRT-u za 2016. g.

U svom izlaganju, izvršni sekretar Sindikata je istakao napore oko dobijanja rješenja Vijeća ministara BiH za reprezentativnost SSR u BHRT-u. Zbog teške finansijske situacije u firmi, rukovodstvo Sindikata se vrlo često sastajalo sa poslovođstvom u vezi isplata, odnosno kašnjenja plata. Naglasio je da je u toku proces u vezi donošenja odluke o minimumu procesa rada, koja je tražena od menadžmenta BHRT-a, osvrnuo se i na aktivnosti u vezi ostanka ambulante u RTV domu. Obzirom na sve gore navedeno, izvršni sekretar je zaključio da je urađeno dosta, ali da može još.

Predsjednica Skupštine je dala prijedlog Izvještaja na glasanje izvještaj o radu UO SSR u BHRT-u je usvojen sa 43 glasa ZA jednoglasno,uz napomenu da članovi Upravnog odbora nisu imali pravo glasa.

4. Izvještaj Nadzornog odbora

Izvještaj Nadzornog odbora je obrazložio Velija Gradišić, predsjednik. Ukazao je na odluke Upravnog odbora na koje je Nadzorni odbor imao primjedbe i naglasio da je UO dodijelio materijalnu pomoć i tek učlanjenim članovima Sindikata, čime se krši Pravilnik o dodjeli finansijske pomoći. Nadzorni odbor je sugerisao da se mijenja čl. 5. Pravilnika o dodjeli materijalne pomoći.

Nakon izlaganja predsjednika Nadzornog odbora, predsjednica Skupštine je otvorila diskusiju o Izvještaju Nadzornog odbora.

Elvis Čengić je pojasnio zašto je UO SSR u BHRT-u donio odluku o isplati materijalne pomoći članovima koji su se tek učlanili, i dodao da je član bio životno ugrožen.

Damir Smital je obrazložio gore navedene primjedbe, i istakao da je UO SSR u BHRT-u inicijativu za pomoć životno ugroženom kolegi dobio u periodu kada je ,po nalogu Nadzornog odbora i Skupštine, pristupio izmjenama Pravilnika o materijalnoj pomoći,ali taj posao još nije bio dovršen, Sada u Pravilniku postoji član koji reguliše dodjelu pomoći u okolnostima koje nisu predviđene ostalim odredbama Pravilnika.

U toku rasprave po ovoj tački dnevnog reda, predsjednica Skupštine je Damiru Smitalu dva puta oduzimala riječ jer su njegove diskusije trajale duže od, Poslovníkom predviđenih, pet minuta.

Nakon završene diskusije, delegati su primili k znanju izvještaj Nadzornog odbora.

Predsjednica Skupštine je predložila da se, nakon tačke 4. Dnevnog reda, razmatra tačka 8. za koju je generalni direktor BHRT-a izrazio želju da bude prisutan, što je jednoglasno prihvaćeno. U 13,30 sati predsjednica Skupštine je dala pauzu od 10 minuta do dolaska generalnog direktora BHRT-a u salu gdje se održava sjednica Skupštine.

U 13,40 sati sjednica Skupštine je nastavljena tačkom dnevnog reda

8. Aktuelna situacija u BHRT-u i moguće aktivnosti SSR u BHRT-u za njeno Rješavanje

Predsjednica Skupštine je zahvalila generalnom direktoru BHRT-a, g-dinu Belminu Karamehmedoviću, na dolasku na sjednicu Skupštine i zamolila ga da se obrati delegatima. Generalni direktor je detaljno obrazložio finansijsku situaciju u kojoj se nalazi BHRT, pri čemu je istakao velika dugovanja koja RTVFBiH i RTRS imaju prema BHRT-u i sudske postupke koji se vode protiv ova dva emitera s ciljem naplate potraživanja. Naglasio je i veliki dug koji BHRT ima prema EBU-u. Fondu PIO/MIO. Dobavljačima. Istakao je i to da je broj uposlenih smanjen u odnosu na 2015. g. Jer nije bilo novih upošljavanja. Istakao je da smo taoci sistema javnog emitovanja, nemamo formalno-pravno odobrenje Parlamenta za naplatu RTV takse, a bez rješenja naplate RTV takse BHRT ne može opstati. Osvrnuo se i na reorganizaciju BHRT-a koja je usporena zbog dolaska državne revizije koja je kontrolisala poslovanje u 2015.g. Nakon iscrpnog izlaganja, g-din Karamehmedović je odgovarao na pitanja delegata. Između ostalih, Amer Pivčić, delegat iz Livna je istakao da u Livnu ne može ovjeriti zdravstvenu knjižicu. Uslijedilo je obećanje generalnog direktora da će provjeriti o čemu se radi. Delegati su iznijeli i stav da pri održavanju opreme i realizaciji programskih zadataka prioritet ima BHRT, te je generalni direktor zamoljen da ovo obezbijedi kroz rukovodnu strukturu BHRT-a. Nakon diskusije i pitanja delegata dogovoreno je da predstavnici UO SSR u BHRT-u. prilikom skore posjete i razgovora sa ministrom Juskom, delegiraju problem nabavke HD reportažnih kola i oslobađanja BHRT-a plaćanja takse za korištenje frekventnog opsega.

Predsjednica Skupštine se zahvalila generalnom direktoru na učešću i datim obrazloženjima te je dala riječ predsjedniku SSR u BHRT-u, koji je iznio prijedlog daljnjih aktivnosti sindikata u vezi realizacije zaključaka sa protesta održanog 03.02.2017.g. kao i prijedloge mjera za daljnji rad i djelovanje sindikata.

1. Zaključak u vezi protesta

Skupština SSR u BHRT-u traži od svih članova Upravnog odbora SSR u BHRT-u da se maksimalno angažuju u organizaciji svih aktivnosti Sindikata (protesta i sl.) u pogledu rješavanja pitanja stabilnog finansiranja BHRT-a.

Također, Skupština SSR u BHRT-u, traži od svih članova Sindikata da daju svoj maksimalan lični doprinos u rješavanju ovog pitanja.

2. Zaključak u vezi mjera za stabilizaciju

2.1. Izmjene entitetskih zakona o izvršnom postupku

2.2. Izmjene zakona o Javnom RTV sistemu na način:

a) izmjena zastarjele definicije RTV takse, na način da se definiše kao „taksa za finansiranje Javnog RTV sistema“

b) da se formira zajednička služba sva 3 Javna emitera za prikupljanje RTV takse,

c) da se članstvo i dugovi prema EBU, finansiraju iz državnog budžeta kroz stavku „članstvo u međunarodnim organizacijama“,

d) da se naplata RTV takse u narednih godinu dana vrši putem računa za električnu energiju ili zbirno putem računa za usluge telekom i kabl operatera.

2.3. Da se potpišu ugovori sa bankarskom garancijom između Javnih servisa, kojima bi se garantovala isplata potraživanja BHRT-a u ratama prema entitetskim televizijama.

2.4. Da se potpiše reprogram duga sa poreskom upravom, za dugovanja prema radnicima BHRT-a, a koji bi bio finansiran novcem koji bi bio dobijen od entitetskih televizija.

2.5. Da se izradi novi cjenovnik usluga BHRT-a i potpiše ugovor sa RTVFBiH, uz bankarsku garanciju, o korištenju usluga BHRT-a. Ugovor može sadržavati i određeni popust na usluge, ukoliko bi RTVFBiH koristila usluge BHRT-a u većem obimu.

Obzirom da nije bilo prijavljenih delegata za diskusiju, predsjednica je prijedlog zaključaka koje je iznio Damir Smital dala na glasanje.

Skupština SSR u BHRT-u je podržala prijedlog mjera koje je iznio D. Smital, sa 54 glasa ZA, nije bilo PROTIV, 2 glasa su bila SUZDRŽANA, uz konstataciju da su dva delegata napustila sjednicu zbog obaveza.

Predloženi zaključak Damira Smitala koji glasi:“ Predsjednik Nadzornog odbora, dužan je na sjednicu Nadzornog odbora pozvati predsjednika Sindikata. Poziv se mora dostaviti najmanje 3 dana prije sjednice Nadzornog odbora“ .nije stavljen na glasanje jer nema statutarne mogućnosti da se predsjedniku Nadzornog odbora nametne takva obaveza.

5. Usvajanje Finansijskog izvještaja za 2016. godinu

U uvodnom izlaganju predsjednica Skupštine je istakla da je u 2016.g. prihod od članarine iznosio cca 48.000,00 a rashod cca 45.000,00 KM te da je Nadzorni odbor imao određene primjedbe u vezi naknada za rad u Sindikatu, službenih putovanja i troškova reprezentacije.

Nakon završene diskusije, predsjednica Skupštine je dala na glasanje Finansijski izvještaj za 2016.g. koji je usvojen sa 37 glasova ZA i 1 glas SUZDRŽAN, uz napomenu da članovi Upravnog odbora nisu imali pravo glasa.

6. Usvajanje Programa rada Sindikata za 2016. godinu

Nakon uvodne riječi predsjednice Skupštine u kojoj je istaknula da je UO SSR u BHRT-u Program rada za 2017.g. sačinio u šest poglavlja, prijedlog Programa rada je obrazložio Damir Smital, predsjednik UO. Nije bilo prijavljenih delegata za diskusiju, te je nakon obavljenog glasanja Program rada Sindikata za 2017. g. usvojen sa 53 glasa ZA, protiv i suzdržanih nije bilo, uz konstataciju da je pet delegata napustilo sjednicu,

7. Odluke 2. redovne Skupštine

Upravni odbor je dostavio prijedlog odluke da se delegatima Skupštine iz Informativno-tehničkih centara, na ime troškova prevoza, noćenja i dnevnica isplati ukupan iznos od 835,00 KM, a pojedinačni iznosi su navedeni u prijedlogu odluke o isplati. Ovaj prijedlog je usvojen jednoglasno, sa 53 glasova ZA.

9. Razno

Obzirom da nije bilo prijava za ovu tačku dnevnog reda, predsjednica Skupštine je objavila da je sjednica Skupštine završena u 14, 20 sati.

Sarajevo, 15. mart 2017. godine

Predsjednica Skupštine SSR u BHRT-u

Nada Šimić

zapisničar:

Advija Alimanović

ovjerivači Zapisnika:

1. Nijaz Čordalija

2. Tarik Malićbegović
